

「國家社會科學基金重大項目」

何建明 主編

中國地方志  
佛道教文獻匯纂

寺觀卷

( 189 )



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志  
佛道教文獻匯纂

寺觀卷

（189）



國家圖書館出版社

閩都記卷之三十

郡人 王應山 纂輯

郡西北古田勝蹟

醴泉道院在醴醁山下元時建院中有亭頂道人者煉丹得仙術名其山爲仙亭

吉祥寺在縣治北宋太平興國四年建有石浮屠七級國朝成化間重修明徐煥吉祥寺旅寄歲將闌空門且暫安僧厨朝爨冷禪厨夜眠寒石塔穿雲古山鐘扣月殘非因愛岑寂寥落問歸難

紫極宮在縣東

曹山寺在七都宋開寶元年建 國朝成化十八年重建

五華山在縣西南崇禮里五峯連峙峭拔千仞亦名仙山山上

有仙樓道院邑人禱雨於此又名大佛嶺 宋李堪詩尋源

探雲霞中有金仙家綺疏晃飛翬雕欄燦朱華珍禽棲不羣

靈泉流無涯晴旭起風篁空香送天花春雷會法鼓寒烟聚

海茶奇峯峭如削芳樹一何嘉且將翠閣齊絕與紅塵賒終

然謝朝綬此地管丹砂 元張以宣詩大佛嶺盡小有來黑

厓削鐵懸崔巍泉翻石根六月雪雨老石路千年苔我行忽

落青山外白雲四望茫如海黛痕三點見蓬萊明星玉女遙

相待九華天姥昔見之人間有山無此奇平生酷恨李太白

不到閩山獨欠詩

資聖院在大吉山唐天寶六載建名天王院宋大中祥符八年  
改今名 宋林夔孫詩華峯跨蒼穹下有雲一壑翠飛二百  
秋蜂巢幾千落靈泉際空留宿霧臨除箔山呈萬古姿竹隕  
六月釋當年有賢令神交契冥漠懷哉精魄歸永矣香火託  
至今書壁間讀者爲嗟愕好事繼前志剝巖成此閣仰看斗  
插椽俯聽泉入鐸晤言千載心英氣凜欲作西南望蒙頂躋  
攀計已作忽復良友同共寫襟期樂遐登破嶮峴幽討待綽  
紉磅礴富蒸鬱陰衣芒分錯再拜五華君許蒞他日約霜威  
淨餘氛晴宇洞寥廓

棲真觀在五華山之巔元延祐間建 國朝成化十三年重建

極樂寺在縣西十二都唐天寶元年建有息見亭自省軒放生

池西竺伏虎巷 國朝永樂三年重建成化七年重修 宋

李堪詩空門出白雲梵宇依蒼岫天色湛遙光春華結野秀

簷間綺羅被池底星珠漏香沈篆烟餘文兼禹碑舊拓智可

養神寂寞復誰誚逍遙磨葉猿盤礴穿花溜團團草露晞琴

瑟空香逗層臺太虛半雙壑瀑泉透苔空綠錢死松老清陰

瘦獨鶴飛騫深蘿苔粉構歸岑待沃洲芥子觀靈鷲淨土

人不來塵寰廓然晝 明徐熈極樂寺曉起聽盡蓮華漏刻

長山深嵐翠滿繩牀鳥啼松嶂聲聲月僧踏楓林步步霜座

上落花天外雨佛前沈水定中香此生總是空門客到處皈  
依有法王 閑齡伏虎菴詩鳥道千盤上幽尋西竺菴僧殘  
無虎伏偈在有龍參澗嶺寒生嶂雲堂夕抱嵐遲回歸興晚  
松月在珠龕 陳价夫清明日遊極樂寺作客逢寒食西郊  
趁曉晴露兼松子落雲傍薜衣生對榻頻揮麈穿林獨聽鶯  
山僧疎酒禁元不爲淵明 重遊極樂寺客思悠悠感仲冬  
空門尙覓舊遊蹤林開霜葉紅千點徑入烟蘿翠幾重石鼎  
新粳香積飯雲堂清韻夕陽鐘分明一幅村莊畫犬吠柴門  
月在松 徐勣雪晴過極樂寺雪晴山路暮寒凝半日纔聞  
便訪僧曲澗聲喧流暗水小池痕淺結層冰林疎不礙雪堂

卷三  
磬松偃深藏石殿燈寂寂禪關閉殘照蒲山馴鳥響迎陵

因巖寺在二十一都五代晉天福五年閩建 國朝十一年重

建成化間重修 宋章孝參詩橋通流水綠溶溶殿閣穹然

鎮象龍半壁石槽通雪竇一龕麗室占雷峯挂巖屋似六和

塔入路門如九里松遙想空庭明月夜浮屠桂樹影重重

西峯寺在縣東北唐開元初建 國朝成化間重修

大目寺在縣東四十六都唐咸通二年建 國朝永樂十六年

重建 宋劉克莊詩寺小於諸剎山高似衆峯未寒先得雪

已夏尙如冬



牛頭寺一名大雲在一都邵南里牛頭嶺下嶺高峻陟降二十餘里五代唐天成五年建寺有白雲堂寒林軒諸勝今廢宋程師孟宿牛頭寺前日園都舊長官窮冬從此據征鞍牛頭寺裏于峯月水口村邊萬石灘竹葉盡來堂少煖荔枝無處地多寒明朝出境重回首已約三山馬上看 張浚詩暮宿牛頭寺朝辭虎節門東風知我意送我過前村

清風嶺在四都有寺曰清風五代唐長興二年建又四十都有寺曰秀峯宋景祐初建 明宋應昌重過清風嶺清風嶺清風嶺岩堯今復過泉流千仞落樹杪白雲多節鉞新承寵瘡痍舊若何往來空傳食應媿此山阿

應昌杭州人萬曆初福建左布政使

閩都記卷之三十一

郡人 王應山 纂輯

郡東北連江勝蹟

龍滌山在欽平下里縣主山也岡巒如龍滌水夾澗而下故名  
天王寺在縣西欽平上里唐大中二年建 國朝宣德五年重  
建今廢

崇壽寺在縣西宋天聖四年建 國朝宣德七年重建今廢

趙汝騰宅汝騰宋宗室也累官禮部尚書端明殿學士諡忠清

朝廷嘗賜田宅以旌其廉

古田亦有趙汝騰宅

玉泉寺在縣西里許玉泉山之麓泉出兩峯間隋大業元年建

寺唐天寶中御賜今名有玉泉巖靈羊洞仙桃巖擁秀堂清  
澗閣明月軒流杯亭諸勝 國朝永樂二年修成化五年重  
修今多纂蕪 明陳宏已玉泉寺一路盤山色孤亭出竹陰  
客來春雨歇僧去暮雲深寺廢多孤跡壇空少鷲音徒餘殘  
碣在榛莽豈堪尋 劉志南遊玉泉寺遶郭緇塵遠相期汗

漫遊寺幽僧避暑木落鳥鳴秋澗水隨深淺雲山在去留懸

高臨大海恍若在瀛洲

志南漳人  
邑博士

鄭平旦詩巖泉真境白

雲深山水襟期屬賞音飛蓋清風臨絕壁芳尊斜日憩疎林  
勝遊更得元中趣歸咏偏憐物外心肯使茅蹊堪蹭蹬短筇  
何日不追尋 林徵材詩載酒閒尋支遁家秋山開遍木犀

花芒鞋已是無拘束直上高峯弄紫霞 陳夢罷詩寺僻煙

霞古山盤洞壑幽眼空滄海外身在碧雲頭鳥道人稀至雞

園悵昔遊巖花燃晚對秋色王虹流 吳文華遊王泉寺巾

舄相隨躡紫烟閒從鳥徑訪金仙宦情迢遞浮雲外梵影依

微落照前方洞蒼鱗涵寶月香厨清玉控靈泉坐闌得悟如

蓮偈萬籟空無一事懸 王應山和寶篆風輕繞瑞烟齋心

絕磴禮金仙鰲峯秀出人天外鷺嶺光分繡佛前寺古尚餘

花作雨石奇仍是玉爲泉來遊 幸踵尙書履高棟常瞻錦

字懸

觀音閣在縣西二里許規制宏偉面文筆峯俯瞰鰲江嘉靖間

建萬厯間令張賢重修 王應山夏日憩觀音閣啣書來鳳  
邑傑閣暫幽尋山擁空濛色江涵水月心金天消暑氣寶地  
結繁陰爲識禪棲近經聲度竹林

龍興觀在東門外宋嘉定二年建明永樂正統萬厯間修

三仙觀在縣東北安德里元至正十五年建

龍卧寺在欽平上里隋仁壽三年建 國朝正統四年重建今

廢

湖山去郡八里其山超出諸峯有古道場相傳仙爐飛置其上  
邑人立宮祀之今九天宮卽其地也

寶華巖在清河里層崖峭峻斗出林稍中有天然石室稱奇勝

丹陽公館在應德舖十里有寺今廢

寶林院在中鵠里唐太中六年寺有獨覺巖唐宣宗時僧法詮與涅槃怡山大滙諸老爲法空友寺絕峯有巨石如覆盆詮雅好居之欲移其室而未能因指之曰人實無力神乃有功俄而風雨雷電詰旦石移山下儼然一室詮禪棲其中凡四十年坐化容貌如生髮長至頂削之復生

虎跑泉在寶林寺相傳僧法詮建菴時乏水俄而有虎跑地出泉故名 宋李彌遜詩喚起田翁趁曉耕香雲已帶瀉簷聲如何乞取摩空手爲挽天河洗甲兵 林臯詩寶爐香穩遶松筠遐想遺踪二首春幽石移時雷電掣孤峯坐處虎狼馴劉礪墓在寶林寺東事行具郡志

覆釜山在新安里山頂有石狀如覆釜南峯之麓有石雙峙道出其中名曰石門又有巨石相倚其中清邃名玉華洞又有玉人峯有石圓如鼓擊之有聲半月池以形似名清陰洞在南峯石門寺之北巨石合峙其下半平可坐數十人上有佳木蔭翳故名鬪牛石兩石相對如牛鬪然石魚澗澗旁有石

如魚五臺石有五石高平如臺金龍山在覆釜山之右山形  
隱如石鼇出海矩廬山在覆釜山之西相傳矩廬二仙居之  
南乾山在覆釜山之南有仙人碁盤石並定跡北乾山在覆  
釜山之北有巨石不著苔蘚形如紗帽 宋龔况石門詩軸  
晁貼松低羽人來未歸苔深鎖春色不放曉雲飛 又玉華  
洞石壁古苔衣夾門雙杏枝山陰人罕到長認鶴聲知 又  
玉人峯霞綴衣紅淺烟粧黛髻勻無言山色裏幾度野梅春  
洪壯玉華洞妙絕天仙境飛飛佛子家壺中間日月洞裏  
老烟霞 又玉人峯誰開雲洞鎖放出玉人峯自有天然態  
何勞粉黛容 又半月池鑿破烟苔地甕如半月邊旣能清



到底何必十分圓  
林洪精陰洞地無可著塵埃處不怕塵  
埃莫掩門

石門寺在覆釜山之麓  
國初建宋李彌遜遊石門寺羣賢嘉  
會走與臣乍喜郎星照七閩寺近南塘鍾秀麗筵開晚水薦  
甘珍放懷想盡百川飲留客應生四角輪我獨沈疴方面壁  
愈風賴有兩騷人  
明吳文華過石門寺隱約烟霞見佛宮  
石門雙峙任過從巖頭琪樹寒相媚洞口瑤泉到自逢半月  
池涵蒼蘚色五臺石護白雲蹤欲憑指點按靈異應闢荆榛  
更幾重  
陳宏已石門寺城放風花亂山藏水石稠言尋中  
浣暇共作暮春遊磻道循源遠雲林抱寺幽洞窮纔見剎樹